

Farg‘ona politexnika instituti
rektorining “01”_07_2021
yildagi № 590- sonli buyrug‘iga
2-ilova

**Farg‘ona politexnika institutining korrupsiyaga qarshi kurashish bo‘yicha
talaba-yoshlar klubi
NAMUNAVIY NIZOMI**

I. Umumiy qoidalar.

1. Oliy ta’lim muassasasining korrupsiyaga qarshi kurashish bo‘yicha talaba-yoshlar klubi (keyingi o‘rinlarda - Klub) O‘zbekiston Respublikasining Konstitutsiyasi, “Ta’lim to‘g‘risida”gi Qonuni, O‘zbekiston Respublikasi Prezidentining 2019 yil 27 maydagi “O‘zbekiston Respublikasida korrupsiyaga qarshi kurashish tizimini yanada takomillashtirish chora-tadbirlari to‘g‘risida”gi PF-5719-son Farmoni, O‘zbekiston Respublikasi Prezidentining 2019 yil 9 yanvardagi “Jamiyatda huquqiy ong va huquqiy madaniyatni yuksaltirish tizimini tubdan takomillashtirish to‘g‘risida”gi PF-5618-sonli Farmoni, O‘zbekiston Respublikasi Oliy va o‘rta maxsus ta’lim vazirligining 2021 yil 5 martdagи 120-sonli buyrug‘i, OTM Kengashining 2021 yil dagi yig‘ilish qaroriga asosan tashkil etiladi va o‘z faoliyatini mazkur Nizomga asosan olib boradi.

2. **Klubning asosiy maqsadi** oliy ta’lim muassasasi professor-o‘qituvchilar, xodimlari, talaba-yoshlarida korrupsiyaga nisbatan murosasiz munosabatni va korrupsiyaga qarshi ijtimoiy-psixologik immunitetni shakllantirish, korrupsiyaga qarshi kurashish jarayonida jamoatchilik nazoratini yo‘lga qo‘yishdan iborat.

3. Klubning asosiy vazifalari:

- targ‘ibot-tashviqot ishlari orqali professor-o‘qituvchilar, xodimlar va talaba-yoshlar o‘rtasida korrupsiyaning har qanday ko‘rinishlariga nisbatan nol darajadagi toqatsizlikni shakllantirish;

- institut professor-o‘qituvchilarini va xodimlarini faoliyatini olib borishda shaffoflikni ta’minalash hamda mazkur jarayonlarda jamoatchilik nazoratini o‘rnatish;

- institutda korrupsiyaga qarshi kurashish sohasi bo‘yicha olib borilayotgan ishlarda talaba-yoshlarning faol ishtirokini ta’minalash;

- jamoat va siyosiy hayotning barcha sohalarida, birinchi navbatda, ta’lim tizimida korrupsiyani oldini olish bo‘yicha aniq takliflarni ishlab chiqishda faol qatnashish;

- institutda talaba-yoshlar ishtirokida korrupsiyaning mazmun-mohiyati, uning kelib chiqish sabablari hamda unga qarshi kurashish bo‘yicha davra suhbatlari, fleshmoblar va boshqa tadbirlar tashkil etish.

4. Klub faoliyati ixtiyoriylik, mustaqillik, qonuniylik, ob‘yekativlik, kollegiallik va oshkoraliq tamoyillariga asosan tashkil qilinadi.

II. Klub tuzilmasi va tashkiliy masalalar.

5. Klub O‘zbekiston Respublikasi qonunlariga asosan institut qoshida jamoatchilik asosida tashkil etiladi.

6. Klub faoliyatiga umumiy rahbarlik institut Korrupsiyaga qarshi kurashish “Komplayens nazorat” tizimini boshqarish bo‘limi (keyingi o‘rinlarda - Bo‘lim) tomonidan amalga oshiriladi hamda Klub Bo‘lim oldida hisobdor sanaladi.

7. Klub alohida emblemasi (logotipiga)ga ega bo‘ladi.

8. Bo‘lim tomonidan Klub faoliyatida ishtirok etuvchilar ro‘yxati fakultet dekanlari tavsiyasiga asosan og‘zaki so‘rov asosida shakllantiriladi.

9. Bo‘lim taqdim etilgan ro‘yxatda keltirilgan talabalar bilan umumiy tanishuv suhbat o‘tkazadi. Suhbat davomida talabalarning bilim darajasi va dunyoqarashi baholanadi.

10. Suhbat natijasi bo‘yicha talabalarni Klubga a’zoligiga qabul qilish Bo‘lim tomonidan tuzib imzolangan yakuniy ro‘yxat asosida amalga oshiriladi.

11. Klub a’zolarining faoliyati bir nechta sektorlarga bo‘lingan tartibda amalga oshiriladi.

12. Klub a’zolari faoliyatini to‘g‘ri tashkil etish va muvofiqlashtirib borish maqsadida Bo‘lim tomonidan har bir sektorga institut vakili - sektor rahbari hamda a’zolar orasidan sektor yetakchisi ro‘yxati shakllantiriladi.

13. Klub ish rejasida amalga oshiriladigan chora-tadbirlar, ularni o‘tkazishdan maqsad, sanalar, qatnashuvchilar, mas’ul shaxslar va amaliy natijalar aks ettiriladi, mazkur reja har o‘quv yilining boshida Bo‘lim tomonidan tasdiqlanib, uni amalga oshirilishi tizimli ravishda nazorat qilinadi.

14. Klub ish rejasida a’zolarning umumiy yig‘ilishi, korrupsiyaga qarshi kurashish mavzusiga bag‘ishlangan esselar tanlovi va fleshmoblar, uchrashuvlar, ilmiy seminarlar, korrupsiyaga qarshi kurash bo‘yicha soha mutaxassislari va taniqli shaxslar ishtirokida uchrashuvlarni o‘tkazish kabi tadbirlar aks ettiriladi.

15. Klub a’zolari qonun ustuvorligini ta’minlay oladigan, vatanparvar, korrupsiyaga qarshi kurashishda fidoiy, jonkuyar, odob-axloqi bo‘yicha namunali bo‘lishi kerak.

16. Klub ish rejasida hisobotlari Bo‘lim boshlig‘i tomonidan tasdiqlanadi.

17. Klub a’zolari qonun hujjatlari asosida ta’qiqlangan harakatlarni amalga oshirish hamda faoliyati davomida xizmatga doir va boshqa ma’lumotlarni oshkor etish qat’iy ta’qiqlanadi.

18. Klub a’zolari quyidagi huquqlarga ega: klub faoliyati haqida ma’lumotga ega bo‘lish;

- klub doirasida tashkil etiladigan tanlovlardan qatnashish. Klub a’zolari faoliyatdan kelib chiqib boshqa huquqlarga ham ega bo‘lishi mumkin.

19. Klub a’zosi quyidagi majburiyatlarga ega:

- institutdagagi o‘quv jarayonlariga salbiy ta’sir ko‘rsatmagan holda Klub doirasidagi tadbirlarda qatnashishga;

- Bo‘lim boshlig‘ining, Klub sektori rahbari va yetakchisining Klub faoliyatga oid qonuniy ko‘rsatmalarini bajarishga.

20. Talabalar quyidagi asoslarga ko‘ra klub a’zoligidan chiqariladi:

- o‘z xohishiga ko‘ra bergen arizasiga asosan;

- institutni tugatganda;
- talabalar safidan chetlashtirilganda va akademik ta'til olganda;
- xizmatga doir va boshqa ma'lumotlarni oshkor etganda;
- sog'ligi imkon bermaganda;
- jinoiy javobgarlikka tortilganda;
- qonunchilikda belgilangan boshqa hollarda.

21. Talabani klub a'zoligidan chiqarish haqida sektor rahbari Bo'limga bildirgi bilan murojaat qiladi. Bildirgi asosida talaba klub a'zolari ro'yxatidan chiqariladi.

22. Talabani klub a'zoligidan chiqarishga asos bo'lgan holatlarning bartaraf etilganligi (sog'ligi tiklanganda, talabalar safiga tiklanganda, klub a'zoligiga qabul qilish haqida murojaat etganda va boshqalar) uni klub a'zoligiga qabul qilish uchun asos bo'ladi.

23. Mazkur Nizom talablarini buzganligi uchun klub a'zoligidan chiqarilgan talaba kamida olti oy o'tgach, klubga takroran qabul qilinishi mumkin.

III. Yakuniy qoidalar.

24. Klub a'zolarining klub doirasidagi faoliyati ularni institutdagi ta'lim jarayoni doirasidagi majburiyatlardan ozod etmaydi.

25. Institutda klub a'zolarining ma'lumotnomasi (ob'yektivka) yuritiladi.

26. Talabalarning klubdagi faoliyati institut tomonidan rag'batlantirilishi mumkin.

27. Klub faoliyatini tugatish va qayta tashkil etish institut Kengashi qarori asosida amalga oshiriladi.

